

Broj: 101-43/19
Datum: 11.01.2019.

Na osnovu člana 50. Statuta Radiotelevizije Bosne i Hercegovine, člana 70. stav (1), (2) i (3), člana 71. stav (1) i (2) Zakona o javnim nabavkama Bosne i Hercegovine ("Službeni glasnik BiH" broj 39/2014) i člana 200. Zakona o upravnom postupku Federacije Bosne i Hercegovine ("Službene novine Federacije BiH" broj 2/98), a na prijedlog Komisije za javne nabavke ugovornog organa Radiotelevizije Bosne i Hercegovine, donosim

O D L U K U

kojom je za najpovoljnijeg ponuđača za *nabavku profesionalnih kamera konektora za potrebe RTV Produkcije ugovornog organa Radiotelevizije Bosne i Hercegovine* izabran ponuđač **PROVIS d.o.o. iz Bijeljine.**

O b r a z l o ž e n j e

Na temelju Odluke generalnog direktora ugovornog organa Radiotelevizije Bosne i Hercegovine br. 101-1667/18 od 21.11.2018. godine Komisija za javne nabavke je pokrenula proceduru po otvorenom postupku nabavke koji za predmet nabavke ima *nabavku profesionalnih kamera konektora za potrebe RTV Produkcije ugovornog organa Radiotelevizije Bosne i Hercegovine.*

Na predmetni postupak nabavke, objavljen 29.11.2018. godine pod brojem 113-1-1-112-3-124/18 na portalu javnih nabavki www.ejn.gov.ba, kao i u „Službenom glasniku BiH“ br. 84/2018 od 30.11.2018. godine, u skladu sa članom 25. Zakona o javnim nabavkama Bosne i Hercegovine, ponude su dostavila 2 (dva) ponuđača i to:

- PROVIS d.o.o. Bijeljina	KM 9.785,00 bez PDV-a	KM 11.448,45 sa PDV-om
- AUDIO VIDEO CONSULTING d.o.o. Sarajevo	KM 11.473,50 bez PDV-a	KM 13.424,00 sa PDV-om

Provjerom primljenih ponuda Komisija je ustanovila da su obje ponude u potpunosti validne, u skladu sa Zakonom o javnim nabavkama Bosne i Hercegovine i zahtjevima ugovornog organa navedenim u tenderskoj dokumentaciji, pa su kvalificirane za učešće u postupku e-aukcije.

E-aukcija je zakazana i provedena dana 04.01.2019. godine u periodu od 13.00 do 13.32 sati. Na e-aukciji su oba ponuđača mijenjala svoje cijene iz ponude, a prema Izvještaju o toku i završetku e-aukcije, dobijenog sa portala javnih nabavki 07.01.2019. godine, najpovoljniju ponudu dostavio je ponuđač PROVIS d.o.o. iz Bijeljine sa konačnom cijenom od KM 9.640,00 bez PDV-a, odnosno KM 11.278,80 sa uračunatim PDV-om.

Detalji o provedenoj e-aukciji, te konačnim rezultatima i redosljedom ponuđača dati su u Izvještaju Komisije za javne nabavke i Izvještaju o toku i završetku e-aukcije, koji čine sastavne dijelove ove Odluke.

Nakon svega navedenog, uzimajući u obzir priloženi Izvještaj o toku i završetku e-aukcije, Izvještaj Komisije za javne nabavke, te činjenicu da se dodjela ugovora, sukladno članu 64. stav (1) tačka b) Zakona o javnim nabavkama Bosne i Hercegovine, zasniva isključivo na najnižoj cijeni tehnički zadovoljavajuće ponude, ugovorni organ Radiotelevizija Bosne i Hercegovine odlučio je kao u dispozitivu ove Odluke.

Pouka o pravnom lijeku

Protiv ove Odluke dopuštena je Žalba ugovornom organu, kao prvostepenoj instanci u postupku, u roku od 10 dana od dana prijema iste u pisanoj formi, a u skladu sa članom 101. stav (1) tačka d) Zakona o javnim nabavkama Bosne i Hercegovine.

Saglasan:

**Generalni direktor BHRT-a
Belmin Karamehmedović**

Dostaviti:

- PROVIS d.o.o. – Bijeljina
- AUDIO VIDEO CONSULTING d.o.o. – Sarajevo
- Arhiva